

Broj: 01-02-2374/24
Sarajevo, 02.12.2024. godine

Z A P I S N I K

11. VANREDNE SJEDNICE PREDSTAVNIČKOG DOMA PARLAMENTA FEDERACIJE BIH, održane 27.11.2024. godine

Sjednica je počela u 11.18.

Sjednicom je predsjedavao predsjedavajući Dragan Mioković.

Nakon intoniranja himne Bosne i Hercegovine, predsjedavajući Mioković pozdravio je zastupnice i zastupnike, goste kao i predstavnike akreditiranih medijskih kuća koji prate rad sjednice.

Sa sjednice izostanak su opravdali: Begajeta Čaušević, Dajana Frlić i Indira Omeragić.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Prešlo se na utvrđivanje dnevnog reda.

U raspravi o izmjenama i dopunama dnevnog reda niko nije učestvovao.

Na osnovu pojedinačnog izjašnjavanja, sa 81 glasom za, i jednim uzdržanim glasom, usvojen je sljedeći:

D N E V N I R E D

1. Preliminarna informacija o poduzetim aktivnostima na zaštiti i spašavanju ljudi i materijalnih dobara od poplava i klizišta u periodu od 4. do 16.10.2024. godine, uključujući podatke o štetama prouzrokovanim poplavama zaključno sa danom 20.11.2024,
2. Prijedlog Zaključka o uspostavljanju CELL BROADCAST sistema u Federaciji Bosne i Hercegovine, predlažać Amir Ibrović,

1. **Preliminarna informacija o poduzetim aktivnostima na zaštiti i spašavanju ljudi i materijalnih dobara od poplava i klizišta u periodu od 4. do 16.10.2024. godine, uključujući podatke o štetama prouzrokovanim poplavama zaključno sa danom 20.11.2024,**

Preliminarnu informaciju dostavila je Vlada FBiH.

Materijal je dostavljen zastupnicima.

Rukovodstvo Predstavničkog doma Parlamenta Federacije je nakon konsultacija uputilo poziv za prisustvo 11. Vanrednoj sjednici načelnicima i gradonačelnicima općina i gradova koji su pogođeni poplavama.

Informaciju su razmatrala nadležna tijela i dostavila izvještaje.

Premijer Federacije Bosne i Hercegovine Nermin Nikšić dao je dodatno obrazloženje.

Ispred Federalne uprave civilne zaštite, obrazlagao je direktor Aldin Brašnjić.

Ispred Komisije za ravnopravnost spolova obrazlagala je Alma Kratina.

Ispred općina i gradova pogođenim poplavama, obratili su se: Damir Šabanović (Općina Jablanica), Sabahudin Klisura (Općina Fojnica), Mladen Mišurić- Ramljak (Općina Kiseljak), Orhan Tucović (Grad Konjic), Andrej Tadić (Općina Kreševo), Arnel Voljević (Grad Mostar), Josip Juričić (Općina Prozor-Rama).

Prijedlog zaključaka su dostavili sljedeći zastupnici i zastupnice: Slaven Raguž, Alma Kratina, Damir Nikšić, Mirza Čelik, Edina Gabela i klub zastupnika Demokratska fronta.

U raspravi su učestvovali: Mirsad Zaimović, Mahir Mešalić, Admir Čavalić, Alma Kratina, Adnan Efendić, Mirjana Šikuljak- Hrvić, Mirza Čelik, Sanel Kajan, Slaven Raguž, Melika Mahmutbegović, Haris Šabanović, Kristina Šimović, Salko Zildžić, Jasmina Bišćević-Tokić, Damir Mašić, Adisa Kokić- Hinović, Marijan Marijanović, Mara Đukić, Edin Smajić, Edina Gabela, Mladen Bošković, Asim Kamber, Fahrudin Skopljak, Elzina Pirić, Edin Mušić, Amir Purić, Mirza Batalović, Drago Stanić, Hajrudin Žilić, Mahir Galijašević, te ispred Vlade FBiH Vojin Mijatović.

2. Prijedlog Zaključka o uspostavljanju CELL BROADCAST sistema u Federaciji Bosne i Hercegovine, predlaž: Amir Ibrović

Prijedlog Zaključka podnio je zastupnik Amir Ibrović.

Prijedlog Zaključka dostavljen je zastupnicima.

Zastupnik Amir Ibrović dao je dodatno obrazloženje.

U raspravi su učestvovali: Mario Karamatić, Salko Zildžić, Amir Ibrović, Admir Čavalić, Dennis Gratz, Alma Kratina, Damir Mašić i Slaven Raguž.

Prozivkom je utvrđen kvorum te je konstatovano da sjednici prisustvuje 78 zastupnika.

1. Preliminarna informacija o poduzetim aktivnostima na zaštiti i spašavanju ljudi i materijalnih dobara od poplava i klizišta u periodu od 4. do 16.10.2024. godine, uključujući podatke o štetama prouzrokovanim poplavama zaključno sa danom 20.11.2024,

Predsjedavajući Dragan Miković dodatno je objasnio metodologiju glasanja po tačkama. Predloženo je 17. Zaključaka usaglašenih od strane mješvite grupe koju je prihvatio Kolegij i koji su potpisali svi članovi Kolegija osim predsjednika Kluba DF-a.

Predstavnički dom Parlamenta FBiH razmotrio je i primio na znanje Preliminarnu informaciju o poduzetim aktivnostima na zaštiti i spašavanju ljudi i materijalnih dobara od poplava i klizišta u periodu od 4. do 16.10.2024. godine, uključujući podatke o štetama prouzrokovanim poplavama zaključno sa danom 20.11.2024,

Sa 71 glasom za, bez glasova protiv i pet uzdržanih glasova, usvojeni su zaključci koje su predložili Klubovi i koje je usvojio Kolegij:

1. Zadužuje se Vlada Federacije BiH da hitno pristupi sanaciji magistralnih cesta, putne i druge infrastrukture u svim područjima pogođenim poplavama dana 04.10.2024. godine. Zadužuje se Vlada Federacije BiH da do kraja godine završi sanaciju željezničke pruge;
2. Zadužuje se Vlada Federacije BiH da nastavi osiguravati materijalnu i svaku drugu pomoć stanovništvu pogođenom poplavama uključujući smještaj, hranu, vodu, lijekove i svu drugu neophodnu pomoć;
3. Zadužuje se Vlada Federacije BiH da, u skladu sa svojim mogućnostima, osigura i finansijska i druga sredstva za obnovu područja pogođenih poplavama. Sredstva će se osigurati iz Budžeta Federacije BiH, međunarodnih fondova, donacija i drugih dostupnih izvora u skladu sa važećim pravnim propisima;
4. Zadužuje se Vlada Federacije BiH da uspostavi koordinaciju na svim nivoima vlasti (državnim, kantonalnim i općinskim institucijama) kao i saradnju sa međunarodnim i nevladinim sektorom radi ubrzanе provedbe svih mjera sanacije i obnove područja pogođenih poplavama;
5. Zadužuje se Vlada Federacije BiH da redovno i blagovremeno pred svaku redovnu sjednicu Predstavničkog doma dostavi informaciju o poduzetim i planiranim mjerama, aktivnostima te postignutim rezultatima u sanaciji i obnovi područja pogođenih poplavama;
6. Također, pozivaju se međunarodne institucije da u koordinaciji sa Vladom Federacije BiH kroz donaciju finansijskih sredstava u vremenskom periodu tokom obnove poplavljenih područja doprinesu što bržem i efikasnijem realiziranju aktivnosti sanacije nastalih šteta;
7. Zadužuje se Vlada Federacije BiH da u saradnji sa telekom operaterima u većinskom vlasništvu Federacije BiH poduzme aktivnosti na uspostavi CELL BROADCAST sistema uzbunjivanja u slučaju prirodnih katastrofa i drugih vanrednih situacija s ciljem pravovremenog uzbunjivanja i zaštite stanovništva;
8. Zadužuje se Vlada Federacije BiH da donese novu Procjenu ugroženosti od prirodnih i drugih nesreća i novi Plan zaštite i spašavanja od prirodnih i drugih nesreća za područje Federacije Bosne i Hercegovine;
9. Zadužuje se Vlada Federacije BiH da poduzme aktivnosti kako bi se utvrdila nova Jedinstvena metodologija za procjenu šteta od prirodnih i drugih nesreća u Federaciji Bosne i Hercegovine;
10. Zadužuje se Vlada Federacije BiH da obezbijedi neophodna sredstva za realizaciju završne faze infrastrukturnog projekta Odjela B Ustanove za socijalno zbrinjavanje i zdravstvenu njegu Drin i Ustanove Bakovići, kao i svih ostalih ustanova iz ove oblasti s ciljem adekvatnog zbrinjavanja šticenika ovih ustanova nakon elementarne nepogode.
11. Zadužuje se Vlada Federacije BiH da što hitnije dostavi prijedlog Zakona o šumama shodno Ustavom propisanim nadležnostima Parlamentu FBiH radi razmatranja i usvajanja.
12. Obavezuje se Vlada Federacije BiH da na osnovu podataka prikupljenih od nadležnih ministarstva, Predstavničkom domu FBiH dostavi Izvještaj o kamenolomima preko i ispod površine od 2,5 hektara u Federaciji BiH koji su prestali sa radom, a posebno za sporni kamenolom iznad Donje Jablanice, te da se taksativno navede da li su ili nisu ispunili

zakonsku obavezu rekultivacije i remedijacije u skladu sa zakonskim propisima. Izvještajem je potrebno obuhvatiti i mjere koje su poduzete u slučajevima neispunjavanja uslova te kada se očekuje njihovo rješavanje.

13. Zadužuje se Vlada Federacije BiH da hitno izradi Plan podrške privrednim subjektima i poljoprivrednicima pogođenim poplavama. Ovaj Plan treba da uključi: lokacije za privredne subjekte pogođene poplavama kao što su poreske olakšice, odgode u plaćanju doprinosa i drugih obaveza, subvencije za obnovu oštećene imovine, subvencije ili povoljne kreditne linije za poljoprivrednike kojima su uništene obradive površine i usjevi, kako bi se omogućio što brži povratak na rad i oporavak poljoprivredne proizvodnje, te kreiranje posebnog programa za sufinansiranje obnove i izgradnje poljoprivredne infrastrukture kao što su sistemi za navodnjavanje i zaštitu od poplava.

14. Zadužuje se Vlada Federacije BiH da u roku od 15 dana sačini detaljan izvještaj o broju evakuisanih domaćinstava odnosno stanovnika.

15. Zadužuje se Federalni zavod za geologiju da što hitnije, a najkasnije do kraja godine dostavi Izvještaj o sigurnosti poplavljenih naseljenih mjesta iz najteže pogođenih općina.

16. Zadužuje se Vlada FBiH da hitno reaktivira Federalni centar za obuku struktura zaštite spašavanja na način da hitno provede procedure imenovanja rukovodilaca te stručnih i odgovornih ljudi, čija će obaveza biti provođenje poslova i zadataka definisanih članovima 164., 166. i 167. Zakona o zaštiti i spašavanju ljudi i materijalnih dobara od prirodnih i drugih nesreća kao i ostalih aktivnosti iz djelokruga definisanih obaveza ovog centra.

17. Zadužuje se Vlada FBiH da hitno reaktivira inspektorat FUCZ na način da imenuje glavnog federalnog inspektora kao i ostalih inspektora, čija će obaveza biti implementacija Zakona o zaštiti i spašavanju ljudi i materijalnih dobara od prirodnih i drugih nesreća, po vertikali od Federacije preko kantona, do jedinica lokalne samouprave, inspeksijskih poslova kao i primjena krivičnih odredbi definisanih ovim zakonom.

Zastupnik, Slaven raguž odustaje od svog Zaključka budući da su njegove sugestije uključene u Zaključak Kolegija.

Zaključak kojeg je predložila zastupnica Alme Kratine, nije usvojen, 32 glasa za, 26 uzdržanih i 6 glasova protiv.

Zaključak koji je predložio zastupnik Damir Nikšić nije usvojen, 13 glasova za, 28 uzdržanih i 14 glasova protiv.

Zastupnik Mirza Čelik nije u sali, tako da se o predloženom Zaključku nije glasalo.

Zastupnica Edina Gabela odustaje od svog Zaključka budući da su uvršteni u Zaključak Kolegija.

Zaključak I., kojeg je predložio Klub zastupnika DF-a nisu usvojeni, 31 glasom za, 27 uzdržanih i 9 glasova protiv.

Zaključak II., Kojeg je predložio Klub zastupnika DF-a nije usvojen, 29 glasova za, 23 uzdržana i 7 glasova protiv.

Klub Naše stranke odustaje od Zaključka, budući da su dio zajedničkih Zaključaka.

Klub SDA-a, tražio je izjašnjenje o zaključcima II i VI, budući da su ostali prijedlozi zaključaka dio zajedničkih zaključaka.

Sa 33 glasa za, 30 uzdržanih i 5 glasova protiv, nije usvojen Zaključak II, Kluba SDA-a.

Sa 30 glasova za, 31 uzdržani, i 3 glasa protiv, nije usvojen Zaključak V., Kluba SDA-a.

2. Prijedlog Zaključka o uspostavljanju CELL BROADCAST sistema u Federaciji Bosne i Hercegovine, predlagač Amir Ibrović

Prijedlog Zaključka zastupnika Ibrovića, o uspostavljanju CELL BROADCAST sistema u Federaciji Bosne i Hercegovine, na osnovu pojedinačnog izjašnjavanja nije usvojen sa 38 glasova za, 34 uzdržana, i bez glasova protiv, nije usvojen.

Predsjedavajući je zaključio rad 11. vanredne sjednice u 22 sata i 8 minuta.

Transkript i prijepis transkripta čine sastavni dio ovog Zapisnika.

SEKRETAR
PREDSTAVNIČKOG DOMA
PARLAMENTA FEDERACIJE BIH

Ivan Miličević

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BIH

Dragan Mioković